



在會稽南四十里晉義熙十

華經頗有有靈感見普賢普賢乃置

明太子并送金縷加衣袈裟紅銀

寺及廢大有中復興改寺額僧曰

登臨澈頗快登覽古今未有

英大總集卷八上校會稽

法持止上人依寺延

天衣

寺天衣

山爲蓮宮作畫屏樓臺迤邐插青冥雲生座底鋪金地風起松梢韻寶鈴龍噴水聲連擊磬後啼月色閒持經時人不信非凡境試入元關一夜聽

前題

元稹

馬踏紅塵古塞平出門誰不爲功名到頭爭似棲禪客林下無言過一生

遊法華寺

李邕

山勢轉深看更好嶺霞谿霧沒樓臺異時花向陰崖發遠處泉從青壁來世界自知千古促賢愚悉被四時催須知此地堪終老七竅終成一寸灰

題法華寺

李紳

花界無生地慈宮有相天化娥騰寶象畱影闕金仙

殿踴全身塔池開半月泉十峰排碧落雙澗合清漣

寺前後有十峯迴繞雙澗合流藥草經行徧香燈次第燃戒珠高臘

護心印祖僧傳此寺僧律嚴肅持經皆承師教餅識先羅漢衣存舊

福田寺有約法師水餅梁朝宮人所刺袈裟幻身觀火宅昏眼照青蓮

住學超真境依遊渡法船化城殊百億靈跡冠三千

蕭壁將沈影梁薪尚綴煙寺有昭明太子畫真色塵

知有數劫燼豈無年龍噴疑通海鯨吞想漏川寺有梁朝

銅龍吐泉銅鯨飲流以注諸院磬疎聞啓梵鐘息見安禪指諭三車

覺開迷五蔭纏教通方便入心達是非詮貝葉千花
藏檀林萬寶篇座嚴師子迅幢飭網珠懸極樂知無
礙分身應有緣還將意功德畱偈法王前

法華寺

吳融

寺在五峰陰穿緣一徑尋雲藏古殿暗石護小房深
宿鳥連僧定寒猿應客吟上方應見海月出試登臨

書法華寺上方禪壁

方干

砌下松巔有鶴棲孤猿亦在鶴邊啼臥聞雷雨歸巖
早坐見星辰去地低一逕穿緣應就郭千花掩映似
無谿是非生死多憂惱此日蒙師爲破迷

秦望山僧院

羅隱

巉巖危岫倚滄洲聞說秦皇亦此游霸主卷衣纔二
世老僧傳錫已千秋陰崖水漱松根直蘚壁苔侵畫
像愁各是病來俱未了莫將煩惱問湯休

宿法華寺

僧皎然

心與空林共杳冥孤燈寒竹自熒熒不知何處小乘
客一夜風前聞誦經

宿天衣寺

于良史

春山多勝事賞玩夜忘歸掬水月在手弄花香滿衣
興來無遠近欲去惜芳菲更望鳴鐘處樓臺深翠微

題法華山天衣寺

曾 會

十里湖光十里松松陰路到十高峰窗看渡口隨湖
月樓聽雲門度嶺鐘梁帝鉢含山雨潤普賢臺鑠薛
花重誰人的是忘機子香稻寒蔬養瘦容

遊天衣寺

趙 緘

世稱幽景屬金仙若是精藍豈妄傳澗湧雙泉雷出
地山圍四面管窺天唐僧手澤神毫健梁帝宸恩寶
器妍今日喜償平昔志更逢閩客此安禪

古詩

遊天衣寺

陸 巨

處世空旦夕探幽放情志長歌向閒雲引客遊古寺
秦山倚寥廓高鳥下蒼翠凝陰向杉松界法齊天地
疎鐘遠僧舍深殿有猿戲警梵千谿中真禪寂無二
寒泉聳毛髮清露遣心累省慮因悟非勞神豈爲貴
超然靜中見覺了愚勝智願得棲煙霞書之謝名利

登秦望山

薛 據

南望秦望山極目大海空朝陽半暘谷晃朗天際紅
谿谷爭噴薄江湖遞交通而多魚商叟不悟歲月窮
振緝迎早潮弭棹候遠風予本萍泛者乘流任西東
茫茫無際帆棲泊何時同將尋會稽迹從此訪任公

應天寺

卽寶林寺也寺因龜山高四十六丈周五百餘步在山陰之東數十步遠望若龜形故曰龜山又吳越春秋云越王築城已成怪山自生本瑯琊東武縣海中山一夕移來故名曰怪山里曰東武里起遊臺於上其東南爲司馬門立三層樓冠山之巔曰靈臺所以灼龜又仰望天也上有石井靈鰻時或見之乾符中改爲應天

律詩

寶林寺

李紳

最深城郭在人煙疑借壺中到梵天巖樹桂花開月殿石樓風鐸繞金仙地無塵染多靈草室鑿真空有定泉應是法宮傳覺路使消煩惱見青蓮

再遊應天寺聖母閣

錢侗

越地靈蹤多少處伽藍難尚此樓臺有時風掣浪聲到半夜月排山影來極目煙嵐迷遠近百般花木離塵埃可憐光景吟無盡知我登臨更幾回

登應天寺塔

潘闓

閒上應天寺裏塔九層突兀入幽雲下窺已覺紅塵別低語猶疑碧落聞秦望山高如髻簇照湖水濶若

甌分野人不管興亡事空凭危欄到日曛

畱題應天寺昭慶大師房 杜衍

中懷無絆外緣閒深掩禪扉客到難勝境可曾飛錫
去好山多祇卷簾看晝升講座天花落夜步吟軒海
月殘今日逢師堪論道歸心愁思一時寬

贈應天寺昭淨法華

出俗皆言為息機性靈淨僻似師稀前山月落夜吟
罷深院菊荒秋講歸谿霧鎖牕燈焰短雪風敲竹磬
聲微會期雙闕重相見應換當年舊衲衣

題應天寺 齊廓

寶勢聳如飛簷牙照錦輦路盤危磴出僧觸斷雲歸
萬井分塵界千巖在目圍浮生枉多事到此合忘機

前題 王昌符

何事詩家稱翦裁跨虛相繼有樓臺水涵春碧雨初
霽山露曉青雲半開寶塔禮終僧室靜粉牆題罷使
車回此時欲結香蓮社祇為陶潛醉不來 是日約會稽太博不至

書應天寺壁 此山名飛來云自瑯琊至 張伯玉

城郭鏖山林自無塵土侵一峰來海上高塔起天心
世路有盈縮靈泉無淺深 塔西北楹下有石泉一泓歲時無增減 使君

原似按人姓名杜松標
善麻錫與乃志加

會稽發其恩集 卷八 應天寺 六 知聖教齋正本

今老矣閒處得閒吟

古詩

題寶林寺

徐浩

茲山昔飛來遠自琅琊臺孤岫龜形在深泉鰻井開
越王屢登陟何相傳詞才塔廟崇其巔規模稱壯哉
禪堂清潄潤高閣無恢矣照曜珠吐月鏗轟鐘隱雷
揆余久纓弁末路遭遄迴一棄滄海曲六年稽嶺隈
逝川惜東駛馳景憐西頽腰帶愁疾減容顏衰悴催
賴居茲寺中法士多瓌能洗心聽經論禮足蠲凶災
永願依勝侶清江乘度杯

飛來山

蔣堂

有山昔飛來神怪安可測萬壑鼓風雷千巖爲羽翼
胡爲忽移徙到此無傾側靈越得奇峰琅琊失遺跡
煙雲隨而至杉篁古所植如何草創時偶作瞿曇宅
聞之有苾芻歲久苦剗刻鑿聲響深崖火燼淬層壁
詰之州人云向有僧旦暮鑿是山鑿平爲土木基葺

有蒼翠色金粟千億身窄堵百餘尺回廊盡複疊寸

地無間隙一聚紅塵中萬瓦青煙冪成彼有爲善斯

可長太息我試來尋山山形俱變易方念此嶄絕安

得如往昔不謂山之足下落言偃室知是騫翥時於

茲墮巖石屹爾畫疆畔其誰敢侵蝕隨宜得形勝觸
目見巒翠小桂結濃陰清露有疎滴巾履日可賞琴
樽雅成飾多謝對幽岑亦足開煩臆若在祇園閒豈
更存餘碧

天章寺

寺去山陰縣西南二十五里乃晉王右軍蘭亭曲水
之遺趾故書堂墨池間有存者至道中因中貴人奏
請置寺以藏太宗仁宗御書於其上賜額曰天章寺

律詩

題天章寺

孫沔

茂林脩竹碧谿頭梵宇深沈鎖翠幃從此崇山頻企
望朝陽高處有松楸

泛照湖遊天章

吳奎

秦望奇峰北天章野寺東石橋跨驚瀨雲屋麗層穹
片段磨礧密高低結構雄盤基深鑿岸飛勢聳凌空
迴卻熙蒸日虛含自遠風谿山形勝聚川陸往來通
竹影搖軒外松聲逼坐中孤煙惹樵叟輕浪濺漁翁
氣象清無比登臨杳莫窮直須圖畫看安得入神工

遊天章寺道中

蘇舜欽

畫鷁低飛湖水平回看樓閣滿稽城人遊鑑裏山相

映魚戲空中日共明盡是荷風香不斷忽逢谿雨氣
尤清籃輦卻上蘭亭路猿鳥雲蘿伴此行

遊天章寺

曾鞏

籃輦朝出踏輕塵拂面穆穆柳色新曲水豈能畱往
事南湖空解照行人最宜靈運登山屐不負淵明漉
酒巾老去飄零心未折暫須同醉海邊春

前題

京國久昏車馬塵舊遊重到樂如新谿山滿眼換清
骨樽俎開懷盡故人浩蕩自然閒日月疎慵便欲褫
冠巾吾儕用舍猶蟬蛻贏得湖南深訪春

前題

陳舜俞

峻嶺崇巔千古在好風佳月逐時新簿書偶是山陰
長觴詠聊同曲水人林雀不驚筇竹杖谿雲欲傍接
羅巾官麤合有登臨分更待巖花爛漫春

前題

許安世

當時俯仰尚爲陳千載重來感益新曲水已傷迷故
迹崇山依舊對遊人縈紆雪路聯珠騎蕭爽風亭岸
角巾祇恐瑤池歸扈宴不能脩禊見深春

題天章

劉誥

逸少蘭亭六百年列營樓閣奉金仙琅函帝賜三朝

筆猊座僧談二祖禪山怪有時渾露石地靈無處不
通泉塵心未悟真如理空蕪晨鑪一篆煙

入天章道中

葉參

帝俞荒址創毗耶茂嶺煙篁古一涯僧入定中觀水
月客來空際辯天花宸章飛動凌奎彩瀑溜清涼漲
井華不省永和年景趣飫聞虛座演三車

古詩

泛照湖遊天章

吳奎

愁霖不肯已陰結彌二旬吾遊欲及時秉燭出城門
泛泛一畫舫密坐環親賓爽氣忽侵袂重雲稍逡巡

俄頃萬里晴鬼魅伏清晨日光溜水態照灼無涯垠
輕煙緬以沒微風颺然振菰蒲動幽響撥刺驚潛鱗
浮沈戲鷗鷺蕩漾開萍蘋榜人發櫂歌漁翁理罾緝
激越自成態瀟灑何其真清輝不可狀野思徒紛紜
弭棹山之阿行行問吾民莓苔粘側逕馬足絕纖塵
青谿曲折度茅屋經過頻川涂斗開闊夷路夾松筠
右轉聳雲構廣除礪翠珉佛殿爍金碧標榜自玉宸
脩廊盤磴道等級華堂新最後敞高閣扃藏帝室珍
冥心一薰拂璨璨羅星辰大哉三聖筆天縱妙入神
名家數幾百較古誰爲鄰山頭見塔影樹杪排嶙峋

直上遽登造愛奇忘艱辛秋容媚虛曠藹藹揚奇芬
羣峰出圭角萬象皆縷陳森爽翠欲滴蒼茫寒襲人
遠心窮碧海逸興凌高旻躊躇下煙麓盼眇行復詢
僧言王右軍遺蹟永和春蘭亭有曩基墨池含漪淪
書室闕靈像五亭餘圓困次第與探歷畢景頤厥因
簡累脫紛滓遺榮終幅巾逍遙自得場此節固離倫
憤恥以寄傲則非吾所遵涼飈拂脩竹暮靄起長津
纓佩顧爲忝城郭宜爾親回首已遙碧恍然塵世分

禹廟

在會稽東南十餘里稽山之下禹嘗會東南諸侯計

功於此後沒因葬焉少康立祠於陵所今有禹墳窆
石猶存或曰梁時修廟欠一梁木夕有風雨漂至一
木乃梅梁也

律詩

禹廟神座頃服金紫萃自到鎮申牒禮司重加
袞冕今因祈雨偶成八韻

薛萃

玉座新規盛金章舊制非列城初執禮清廟重垂衣
不覩千箱詠翻愁五稼微祇將蘋藻潔寧在餼牢肥
徙市行應謬焚巫事亦違至誠期必感昭報意猶希
海日明朱檻谿煙濕畫旗迴瞻郡城路未欲背山歸

禹廟

李紳

削平水土窮滄海
畚鍤東南盡會稽
山擁翠屏朝玉帛
穴通金闕架雲霓
祕文鏤石藏青壁
寶檢封雲化紫泥
清廟萬年長血食
始知明德與天齊

遊禹穴

宋之問

禹穴今晨到耶谿
此路通著書聞太史
鍊藥有仙翁鶴往的
猶掛龍飛劍已空
石帆浮海上天鏡落
湖中水底寒雲白
山邊墮葉紅歸舟何
慮晚日暮使樵風

題禹廟

錢儆

千古英靈孰令論
西來神宇壓乾坤
塵埃共鏤梅梁

在星斗俱分劍
韜存蟾殿夜寒搖
翠幌麝鑪春暖酌
瓊樽會稽山下秋
風裏長放鬆聲入
廟門

前題

張伯玉

寶穴千峰下嚴祠
一水傍夜聲滄海
近秋勢越山長
薄葬超前古貽謀
啓後王萬靈何以
報終古詠懷襄

前題

蔣白

大禹歸天後南惟
此廟存屋腥龍挂
影巖黑電燒痕
夜祭雲間火春聲
浪裏門到今疏鑿
水敢不向東奔

泊禹祠

潘閔

禹廟高高萬木齊
蟾蜍影裏月光低
山中不慣聞寒

漏一夜猿驚與鳥啼

癸未歲秋七月禱禹廟

萬古稽山下森森大禹祠
幽人來暗禱靈魄望潛知
帝慮河頻決民憂業旋移
自慙無異策載拜淚雙垂
訪禹穴至陽明洞

張伯玉

宛委山前艤畫船
攀蘿漸入太霄邊
因尋大禹藏書
穴深入陽明古洞天
萬壑秋光含細籟
數峰寒玉立
蒼煙寶函金篆久
稀闊欲就皇人講數篇

禹穴

錢公輔

一朶雲根壓衆嵐
古傳深坎自天鑿
藏書未必先王

事好怪惟聞太史探
洞府閒來何寂寞
龍髯垂處認
鬢髮近巖更剖知
章字謾識奇蹤
意自甘

題禹廟

齊唐

削斷龍門劍力閒
遺祠終古鑑湖邊
崑墟到海曾窮
地石穴藏書不記年
春色門牆花滴雨
曉光臺殿水
浮煙塗山萬國梯
航集告禪靈壇豈
偶然

古詩

亂後經禹廟

庾肩吾

金簡泥新發龍門
鑿始通配天不失
舊爲魚微此功
秦皇觀大海魏帝
逐飄風去國嗟行
邁頻年任轉蓬

會稽文苑集 卷八
月上關山北鄉臨天漢東申胥猶有志苟息本懷忠
待見櫓槍滅歸來松柏桐

題禹廟

宋之問

夏王乘四載茲地發金符峻命終不易報功疇敢渝
先驅總昌會後至伏靈誅玉帛空天下衣冠耀海隅
旋聞厭黃屋更道出蒼梧林表祠轉茂山阿井詎枯
舟遷龍噴壑田變鳥耘蕪舊物森如在天威肅未殊
元夷屆瑤席玉女侍清都奕奕閨闈邃軒軒仗衛趨
氣青連曙海雲白洗春湖爰嘯有時答禽言長自呼
靈歆異蒸糈至樂匪笙竽茅殿今文襲梅梁古制無

運遙日崇麗業盛答昭蘇伊昔力云盡而今功尚敷
揆材非美箭精享愧生芻郡職昧爲理邦空寧自誣
下車霰已積攝事露行濡人隱冀多祐曷唯霑薄軀

前題

崔詞

惟舜禪功始惟堯錫命初九州方奠畫萬壑遂橫疏
受籙嘗開洞過門不下車諸侯會玉帛滄海薦圖書
元默將遺世崇高亦厭居耘田自有鳥濬澤豈爲魚
家及三王嗣殷因百代如靈容肅清宇袞服閉荒墟
棗徑愁雲暮松扉撤祭餘叨榮陵寢邑懷古益躊躇

前題

孟簡

九土昔淪墊八方抱殷憂哲王受洪範羣物承天休
源委有所在勤勞會東州稽山何峻極清廟居上頭
律度非外事辛壬寧少畱歌謠自不去覆載將何求
靈長表遠績經啓著宏猷孰敢備佐命天吳與陽侯
元功餘玉帛茂實結松楸蓋影庇風雨湖光搖冕旒
質明簫鼓作通昔禮容脩駢牢設舊物沔水配庶羞
深沈本建極傲很亦思柔陰怪尚奔走靈徒如獻酬
恍疑仙駕動靜見宿雲收竹樹依積潤菰蒲託清流
謬茲領百越忽復歷三秋丹懇諒可薦庶幾無年尤

拜禹廟

元稹

恢能吞岳日悲慕羽山秋父陷功仍繼君名禮不讎
洪水襄陵後元圭菲食由已甘魚父子翻荷粒咽喉
古廟蒼煙冷寒庭翠柏稠馬泥真骨動龍畫活睛畱
祀典稽千聖孫謀絕一上道雖汚世載恩豈酌沈浮
洞穴探常近圖書卽可求德崇人不惰風在俗斯柔
菱色湖光上泉聲雨腳收歌詩呈志義簫鼓瀆清猷
史亦明勳最時方怒校曾還希四載術將以拯虔劉

謁禹廟

徐浩

畎澮敷四海川源滌九州旣膺元圭錫乃建洪範疇
鼎革固天啓運興匪人謀肇闢宅土業永庇昏墊憂

山足靈廟在門前清鏡流象筵陳玉帛容衛儼戈矛
探穴圖書朽卑宮堂殿修梅梁今不壞松祏古仍留
負責故鄉近竭來申俎羞爲魚知造化歎鳳仰徽猷
不復聞夏樂唯餘奏楚幽婆娑非舞羽鏗鞳異鳴球
盛德吾無閒高功誰與儔災淫破凶慝祚聖擁神休
出谷鸞初語空山猿獨愁春暉生草樹柳色暗汀洲
恩貸題輿重榮殊衣錦遊宦情同械繫生理任桴浮
地極臨滄海天遙過斗牛精誠如可諒他日寄冥搜

早謁禹廟

張伯玉

曉出五雲扃皎日麗初

闕宿霧斂

闕

嚴祠款靈祕拂衽天風散不聽

闕

曹娥廟律詩

曹娥廟碑

僧貫休

高碑說爾孝終難彈指端思白浪閒堪歎行人不迴
首前山山是苧蘿山

前題

潘闓

曹娥廟前秋草平曹娥廟裏秋月明扁舟一夜曾無
寐近聽潮聲似哭聲

前題

姚鉉

簫鼓聲中浪渺瀾古楓陰砌蘚封碑行人到此自恭

肅不似巫山雲雨祠

前題

錢惟岳

曹娥廟貌樹豐碑千古行人誦色絲苦恨當年題八字不旌賢孝祇旌辭

其二

尋屍抱柱兩俱難二子留名滿世閒輕命一般同水溺尾生泉下復何顏

前題

史溫

曹娥廟貌枕江湄南北行人合孝思有智不爭三十里千年黃絹一廳碑

古詩

留題曹娥廟

蕭闢

屈平以楚死死濁不死清伍員以吳死死暗不死明死者人所難一死鴻毛輕壯哉二子爲留得不死名曹娥以父死年齡童未成抱屍出洪瀾非可二子并二子諫不從齊秦韓魏征娥若不之死父葬鱸與鯨二子死以介娥死以孝誠於今會稽人事之如事生娥若生堯時舜不妻女英娥若逢孔子娥名書孝經娥父若罹辜豈止爲緹縈蔡邕不知娥但愛碑上銘我來拜祠下古木寒雲橫往往大江水猶作哀哀鳴

安得娥有知爲我神陰靈鼓此大江波注入四瀆平
洗濯天下心皆行娥所行

會稽掇英總集卷八

大清道光元年歲次辛巳山陰杜氏浣花宗塾刊

塾生璘校字

會稽掇英總集卷九

山陰杜丙杰吉甫校

宋孔延之編

寺觀律詩

昌安寺

李紳

寺深松桂無塵事地接荒郊帶夕陽啼鳥歇時山寂
寂野花殘處月蒼蒼碧紗凝焰開金像清梵消聲閉
竹房上隴漸平連茂草九原何處不心傷

龍宮寺并序

此寺摧毀積歲貞元十八年余爲布衣東遊天台
故人江西觀察使崔公以殿中謫官移治剡溪崔

公座中有僧曰修真自言居龍宮寺起謂余言異日必當鎮此爲修此寺時以爲狂易之言不之應僧相視久之而退至元和三年余以前進士爲故薛萃常侍招至越中此僧已臥疾使門人相告曩日所言必當鎮此修寺之託幸不見忘僧偶言寺有靈祇相告爾予問疾而已不能對及後符其言而詢其存沒則僧及門人悉殂謝寺更頽毀唯荒墟餘棋而已因召寺僧會真以俸錢爲葺之累月而畢以成其往願也

銀地溪邊遇衲師笑將花雨指潛知定觀元度生前

事不道靈山別後期真相有無因色界化城興滅在蓮基好令滄海龍宮子長護金人舊浴池

龜山寺魚池

此池微之新修戒其僧以護生之意及公垂至見其詩而笑之未幾

寺之僧果有罟於池中者公垂因形於詩云

元稹

勸汝諸僧好護持不須垂釣引清絲雲山莫厭看經坐便是浮生得道時

前題

李紳

汲水添池活白蓮十年鬢鬣盡生天凡庸不識慈悲意自葬江魚入九泉

題寶相寺

孟浩然

石壁開金像香山倚鐵圍下生彌勒見迴向一心歸
松竹禪庭古樓臺世界稀多嵐增氣色餘照發寒輝
講席邀譚柄泉堂施浴衣願乘功德水從此濯塵機

前題

僧南粵

松徑行纔盡香城絕世塵倚巖開半殿鑿石見全身
鐘鼓中天曉煙花上界春出門重稽首願值下生晨

宿天柱觀

僧靈一

石室初投宿仙翁喜暫容花源隔水見洞府過山逢
泉涌階前地雲生戶外峰中宵自入定非是欲降龍

龍瑞宮

禹穴也三十六洞天之一日陽明洞天大禹探書治水之所唐神龍中置

懷仙館開元中勅方士葉天師設醮而龍見因改今額

春分日投簡陽明洞天作

元稹

中分春一半今日半春徂老惜光陰甚慵牽興緒孤
偶因投祕簡聊得泛平湖郡邑移仙界山川展畫圖
旌旗遮嶼浦士女滿闔閭似木吳兒勁如花越妓姝
牛儂驚力直蠶妾笑睂盱怪我攜章甫嘲人託鷓鴣
閭閻隨地勝風俗與華殊跣足浴流婦丫頭避役奴
雕題雖少有雞卜尚多巫鄉味尤珍蛤家神愛事烏
舟船通海嶠田種繞城隅櫛比千艘合袈裟萬頃鋪
亥茶闔小市漁火隔深蘆日腳斜穿浪雲根遠曳蒲

款風花氣度新雨草芽蘇粉壞梅辭萼紅含杏綴珠
蕓餘秧漸長燒後葑猶枯綠緜高懸柳青錢密辦榆
馴鷗眠淺瀨驚雉迸平蕪水淨王餘見山空謝豹呼
燕狂捎蛺蝶螟挂集蒲盧淺碧鶴新卵深黃鶯嫩雛
邨扉開白版寺壁耀赭糊禹廟纔離郭陳莊恰半途
石帆何峭嶢龍瑞本縈紆穴爲探符坼潭因失箭劄
隄形彎熨斗峰勢踴香鑪幢蓋迎三洞煙霞貯一壺
桃枝蟠復直桑樹亞還扶鼈解稱從事松堪作大夫
榮光飄殿閣虛籟合笙竽庭狎仙翁麋池游縣令鳧
冥心除健羨扣寂入虛無岡踏翻星紀章飛動帝樞

東皇提白日北斗下元都騎吏裙皆紫科車幘盡朱
地侯鞭社伯海若跨天吳霧噴雷公怒煙揚竈鬼趨
投壺憐玉女撰飯笑麻姑菓實經千歲衣裳重六銖
瓊杯傳素液金匕進雕胡掌裏承來露杵中釣得鱸
菌生悲局促柯爛覺須臾稊米休言聖醯雞益伏愚
鼓鼙催暝色簪組縛微軀遂別真徒侶還來世路衢
題詩歎城郭揮手謝妻孥幸有桃源近全家肯去無

和

白居易

青春行已半白日坐將徂越國強仍大稽城高且孤
利饒鹽煮海名勝鏡澄湖牛斗天垂象台明地展圖

天台四明山名 環奇闐市井佳麗溢闔閭句踐遺風霸西施
舊俗姝船頭龍天矯橋脚獸睢盱鄉味珍彭越時鮮
貴鷓鴣語言諸夏異衣服一方殊擣練蛾眉婢鳴根
了角奴江清敵伊洛山翠勝荆巫華表雙棲鶴聯檣
幾點烏煙波分渡口雲樹接城隅澗遠松如畫洲平
葑似鋪綠鍼秧早稻紫笋折新蘆暖蹋泥中藕香尋
石上蒲雨來萌盡達雷後蟄全蘇柳眼黃絲類花房
絳蠟珠林風新竹折野燒老桑枯帶鞞長條蕙錢穿
短貫榆喧和生野菜卑濕長街蕪女浣紗相伴兒烹
鯉一呼山魃啼稚子林狖掛都盧產業論蠶蟻孳生

計鴨雛泉巖雪飄灑苔壁錦漫糊堰限舟航路堤通
車馬途耶谿岸迴合禹廟逕盤紆洞穴何因鑿星槎
誰與剗石凹仙藥白峰峭佛香鑪去爲投金簡來因
挈玉壺貴仍招客宿健未要人扶聞望賢丞相儀形
美丈夫前驅駐旌旆徧座列笙竽刺史旟翻隼尚書
履曳鳧學禪超後有觀妙造虛無髻裏傳僧寶環中
得道樞登樓詩八詠置硯賦三都捧擁羅將綺趨踰
紫與朱廟謀藏稷高兵畧貯孫吳令下三軍整風高
四海趨千家得慈母六郡事嚴姑重士過三哺輕財
抵一銖婆娑論云他化自
在天衣重一銖送觥歌宛轉嘲妓笑盧胡

佐飲時魚鼈蠲醒數鱸鱸醉鄉雖咫尺樂事亦須臾
若不中賢聖何由外智愚伊余一生志俄爾百年軀
江上三千里城中十二衢出多無伴侶歸只對妻孥
白首青山約抽身去得無

天華寺

呂夷簡

賀家湖上天華寺一一軒牕向水開不用閉門防俗
客愛閒能有幾人來

雷題寶相寺

章得象

天台四面翠如屏洞穴幽奇地最靈百尺巖中真像
在千年澗畔古松青路傍斷石雷神迹

路傍斷石如刀鋸割截之

狀傳云昔造佛者試鋸於此今謂之鋸解峯是也壁上遺文缺舊銘

建寺碑文乃劉

總所撰今壞缺不存但寫之屋壁字已訛矣我是丹丘仙郡守暫來猶似

覺魂醒

前題

陳堯臣

白雲樓殿翠林開終日軒牕四面山卻愧勞生多事
客清涼分得片時間

題翠峰院

范仲淹

翠峰高與白雲閑吾祖曾居水石閒千載家風應未
墜子孫還解愛青山

題溪口廣慈寺

會稽探古集 卷九
越中山水絕纖塵溪口風光步步新
求取會稽藏拙去白雲深處亦行春

前題

葉清臣

雲中江樹冷蕭蕭溪上僧歸倚畫橈
誰爲秋風乘興去松牕先聽富陽潮

前題

錢彥遠

寺跨長溪山四回杉松微徑盡莓苔
門前潮上不須看常恐塵埃隨水來

前題

元絳

雲外軒牕切斗牛翛然三伏亦生秋
青山屈曲無重

數俱束溪光款款流

書用師菴

李昭述

架泉龕石構幽棲竹樹陰森鎖翠微
珍重支郎得高趣一庵一榻自忘機

戒珠寺上方

蘇舜欽

躋攀出上楹疊勢與雲平日暮蒼煙合
秋來遠水明幽軒開極望疎磬落餘清
便有飛騰意俄嗟俗慮縈

大禹寺

鑑湖盡處衆峰前古寺蕭疎水石閒
殿閣北垂連禹廟松筠東去入稽山
坐中巖鳥自上下吟久溪雲時

往還我厭區區走名宦未能來此一生閑

題妙喜庵

并序

蔣堂

閨公者越之大士也今年秋於鑑湖中得有唐妙喜寺遺址結茅而居昔刺史李遜作記云雲霞草樹橫在一目卽其地也予嘉之乃以寺之昔名名其庵復贊道行形於鄙句云

禪公覽古意裴徊偶結雲庵向北來滿目滄洲圍野景一枝金策卓秋苔沙邊水鳥銜花至月下漁人施供迴或訪稽山舊徒侶樵風應爲送浮杯

九日葢山戒珠寺戲呈僚友

張伯玉

秦望山前曉雁斜葢山雲外看黃花誰能帶芥關心緒且插茱萸伴物華歲計簿書寧有盡日生公事了無涯樽前况有兵厨酒不待兵厨酒亦賒

書大禹寺壁

蕭寺禹祠傍人閒白日長諷經聞海穴洗鉢動湖光臺殿畱風月煙雲起棟梁遊人晚回首松竹自蒼蒼

遊戒珠寺

趙緘

欲遊城郭應難遍每訪湖山亦自勞坐致眼前無限景僧坊寄處葢峰高

畱題崇法院

丁寶臣

會稽抄卷之六
瀕湖三寺倚崢嶸梵刹相高對縣城樓殿盡知隨處
盛山林獨愛此中清翦開木末簷牙出鑿破巖腰磴
道成悟得祖師心印法禪僧遙指塔燈明

題天姥院

十里松篁結晝陰倚空山翠亂花鍼瓊臺瑤瑟中天
過碧洞蒼龍午夜吟石磴雨乾泉駐玉柶棱雲斷月
移金桃花流水年年事誰免浮生白髮侵

遊龍瑞觀

楊侃

泛舟秋水一湖平入觀松風數里清丹井有泉仙跡
在玉書藏穴禹功成步虛夜月千峰靜投簡春霖萬

壑盈述記賀知章手筆題詩元相國聲名結廬野客
前谿住採朮幽人絕頂行杉檜影侵山殿冷星辰光
逼醮壇明降仙臺畔看雲過射的潭邊聽鶴鳴樵客
多聞逢異事洞天都不遠重城林閒牕戶塵難到衣
上煙嵐暮自生不待照湖天子賜欲將長往換浮榮

遊梅山寺

出郭塵路斷登舟鷺嶺通樓臺花嶼上鐘梵水天中
石磴班春蘚松門韻晚風尊絲惹輕檝雲錦散遙空
竹迳連茶塢山亭對藥叢卻輸湖畔叟朝夕訪支公

過溪口廣慈院

刁約

賞徧林泉去未能卻來溪口訪巖僧爲觀遠景尤奇
處更陟危亭最上層雲吐前峰疑霈雨泉飛別澗旋
凝冰陋容憔悴煩躬筆待結錢唐九老朋

前題

僧顯忠

五馬重來谿口寺惟將屬吏與閒僧盤雲野徑行千
里送目危臺上百層巖檜影寒猶帶雪谿流聲澀未
銷冰尋常地遠無因到空愧躬良二老朋

遊梅山寺

僧仲休

世續香燈演聖言再新華構稱凭軒陰陰松色連僧
閣颺颺波聲入寺門飛鷺啣魚離淺瀨殘雲帶雨渡

遙邨沃洲相較應相近樹杪啼煙祇欠猿

南明山寶相寺十五題

古律詩
并序

僧顯忠

南明山者卽齊僧護所隱石城也護始到夜聞鐘
磬仙樂之音時時現佛形象煒煜而可駭護繇是
發私誠願鑿百尺彌勒像凡歷三生乃就其事則
寶乎本傳因而始剏精藍沿續香火至唐季廣明
初經回祿前後締構數四及武肅偏霸樹閣三層
至今在焉予今年秋受命尸於此以十方人爲叢
林居率從公也惜其東南之勝勢此亦一焉而未
見好事者與鬯發然欲其名之遠非歌詠不能伸

之暇日因歷訪其可尚得境物命爲一十五題雜
而賦之况前代未有作之者雖不足夸大亦庶幾
以自適爾時嘉祐五年歲次庚子仲冬月十有八
日碧齋序

三生像

勝域將垂迹先聞鐘梵聲佛陁猶未降宣老已三生
山接天門嶮巖開月殿明善財何處去樓閣自崢嶸

三層閣

像身高百尺閣道聳三層欲得親瞻向還須最上登
煙霞封寶城星斗掛觚稜已自甘香火人間去不能

隱岳巖

融結自何時曾爲幾陵谷不見昔賢蹤空遺此巖腹
一徑斷煙蕪千里老雲木尋常人到稀虎豹暗棲宿

石城山

谿盡見石城寺在石城裏崖缺露遙邨門開對寒水
况非雉堞成無以金湯比梵衆此安棲俗駕來有幾

白雲莊

堪愛仙莊近翠岑杖藜時得去遊尋牛羊數點煙雲
遠雞犬一聲桑柘深高下閒田如布局東西流水若
鳴琴更聽野老談農事忘卻人間萬種心

夾谿塘

南溪北溪深橫塘截流過清影照人寒澄耀分鑑破
沙明鷗鷺馴草密牛羊臥不見直釣翁狂歌遣誰和

柔亭

孤亭枕長谿谿光照亭檻無人弄潺湲終日對平淡
猿鳥去難呼藤蘿垂可擊薄暮衆山昏霜風起葭菼

石狻猊

亭除兩狻猊一仰復一俯告天與叩地似欲訴憂苦
世傳智顛死二獸來瞻覩遂巡化爲石堙沒在深土
事怪固難詰但見形可取風雨駁蒼苔萬古萬萬古

齊相井

南明山足勢欲盡正是新崖東脇隈不知泉自那峰
出皆謂井因齊相開甘滑堪預酈經載淵渟疑俟桑
苧來神蛟往往此潛蟄早歲莫測生風雷

齊相書堂

唐齊相顛
曾隱於此

異代終難問遺名不可窮山中丞相去林下學堂空
映雪功休比冲天志莫同故基蘭蕙滿猶自起華風

白蓮庵

誰將白蓮子固向峰頂栽非學遠公社兼無陶令來
去世迹何曠誅茅心已灰不知歲月改但見此花開

石縫梅

根埋山骨幾百載但怪生物偏有私春前受氣地猶
冷雪裏暗開人未知自將孤石比堅性不與衆木爭
芳姿惆悵無言爲真賞欄干獨倚覺多時

鋸解峰

其峯中裂
狀若鋸解

蒼山巍不倚中裂勢難圖始鑄陰陽鋸誰開造化鑪
藤搖疑落屑樹折若分符漏出飛泉影長垂一帶孤

仙髻峰

首出衆峰閒盤龍勢孤聳雲映鬢光浮月生梳影動
可握謂新沐未巾疑乍攏幸免旦斯理誰復慙種種

白鷗塢

朝看白鷗從塢出暮看白鷗從塢歸森森綠樹兩峰
下片片白雲迎日飛因知野性戀山谷咫尺之間還
見稀

古詩

遊沈道士金庭館

沈約

秦皇御宇宙漢帝恢武功權娛人事盡情性猶未充
銳意三山上託慕九霄中旣表祈年觀復立望仙宮
寧爲心好道直由意無窮曰余知止足是願不須豐
山嶂遠重疊竹樹近蒙籠開襟濯寒水解帶臨清風

所累非外物爲念在元空朋來握石髓賓至駕輕鴻
都令人徑絕唯使雲路通一舉凌倒景無事適華嵩
寄言賞心客歲暮爾來同

宿南巖寺感興

齊顓

南巖寺本滄海任子釣臺今尚在見說垂鉤於此中
犗牛作餌莊書載滄海竭任子歿波濤打處爲巖窟
不知任子何所之唯見釣臺空喚吼

遊大禹寺迴馬上口占

張伯玉

永日躋雲峰向晚下秋巘卻望碧城中樓臺翠煙滿
前旌擁歸騎緩轡徐馭穩曠望寫予心平波海天遠

顧子疇昔志本以鋤犁挽敢望麋鹿資邁此雲龍且

金門容竊步玉殿叨靈睠

某爲先帝御史
時登殿啓事

復此千騎

來日逐紛華戰平生知退意長畏歲月晚行當引初
服還把芰荷翦

初冬同晤賢二師登映發亭望會稽

楊蟠

我有二林侶相邀步寒日超然人外遊下見衆山出
木葉落已靜乾坤久蕭瑟浮雲當空翻慘慘百鳥沒
欲辨越中岸青煙易爲失山川何寂寥宮闕猶髣髴
誰是古來者念之難再述功名隨塵埃豈復有其骨

會稽掇英總集卷九
今我二三子永爲傲時物篇章逢太平窈窕坐天末
生理本無固願言從此畢登臨望前人世事安敢忽

會稽掇英總集卷九

大清道光元年歲次辛巳山陰杜氏浣花宗塾刊

塾生 錫麟 校字

會稽掇英總集卷十

山陰杜丙杰菊生校

宋 孔 延 之 編

送別律詩

聽盛小叢歌贈崔侍御 并序

李尚書夜登越城樓聞歌曰雁門山上雁初飛其
聲激切召至曰去籍之妓盛小叢也曰汝歌何善
乎曰小叢是梨園供奉南不嫌女甥也所唱之音
乃不嫌之授也今老且廢矣時察院崔侍御自府
幕而拜李公連夕餞崔君於鏡湖之光候亭屢命
小叢歌餞在座各爲賦一絕句贈送之亞相爲之

首唱崔下句云獨向柏臺爲老吏皆曰侍御鳳閣
中書卽其程也何以老於柏臺衆請改之崔曰某
但止於此任寧望九遷乎是年秋崔君鞫獄於譙
中而終

詩

李 訥

繡衣奔命去情多南國佳人斂翠蛾曾向教坊聽國
樂爲君重唱盛叢歌

和

崔元範

羊公畱宴峴山亭洛浦高歌五夜情獨向柏臺爲老
吏可憐林木響餘聲

前題

楊知至

燕趙能歌有幾人落花迴雪似含嚔聲隨御史西歸
去誰伴文翁怨九春

前題

封彥沖

蓮府纔爲淶水賓忽乘驄馬入咸秦爲君唱作西河
調日暮偏傷去佳人

前題

盧 鄴

何郎戴豸別賢侯更吐歌珠宴庾樓莫道江南不同
醉卽陪舟楫上京遊

前題

高 湘

謝安春渚餞袁宏千里仁風一扇清歌黛慘時方醅
酌不知公子重飛觥

前題

盧 澂

烏臺上客紫髯公共捧天書靜鏡中桃葉不須歌白
苧耶溪暮雨起樵風

送越客

張 籍

見說孤帆去東南到會稽春雲剡谿口殘月鏡湖西
水鶴沙邊立山鷗竹裏啼謝家曾住處煙洞入應迷

送朱慶餘及第歸越

東南歸路遠幾日到鄉中有寺山皆徧無家水不通

湖聲蓮葉雨野氣稻花風州縣知名久爭邀與客同

送李評事遊越

未習風塵事初爲吳越遊露沾湖草晚日照海山秋
梅市門何在蘭亭水尚流西陵待潮處知汝不勝愁

送友人遊越

杜荀鶴

去越從吳過吳疆與越連有園多種橘無水不生蓮
夜市橋邊火春風寺外船此中偏重客君去必經年

送浙東李僕射赴鎮

劉禹錫

建節東行是舊遊歡聲喜氣滿吳州郡人重得黃丞
相童子爭迎郭細侯詔下初辭溫室樹夢中先到景

陽樓自憐不識平津閣遙望旌旗汝水頭

送元曉上人歸稽亭

重疊稽亭路山僧歸獨行遠峰斜日影本寺舊鐘聲
徒侶問新事煙雲含別情應誇乞食處蹋遍鳳皇城

送元簡上人適越

孤雲出岫本無依勝境名山卽是歸久向吳門遊好
寺還思越水洗塵機浙江濤驚師子吼稽嶺峰疑靈
鷲飛更入天台石橋路垂珠璀璨拂三衣

越中送王使君赴江華

崔峒

卓蓋春風自越谿獨尋芳草桂陽西遠水浮雲隨馬

去空山弱篠向雲低遙知異政荆門北舊許新詩康
樂齊萬里相思在何處九疑殘雪白猿啼

送王協律遊杭越十韻

元稹

去去莫淒淒餘杭接會稽松門天竺寺花洞若耶溪
浣渚逢新豔蘭亭試舊題山經秦帝望壘辨越王棲
江樹春常早城樓月易低鏡呈湖面出雲疊海潮齊
章甫官人戴萼絲姹女提長竿迎客鬧小市隔煙迷
紙亂紅藍壓甌凝碧玉泥荆南無底物來日爲儂攜

送王十一遊泅中

越州都在泅河灣塵土消沈境象閑百里油盆鏡湖

水千峰鈿朶會稽山軍城樓閣隨高下禹廟煙霞自
往還想得閑吟乘畫舸幾回明月墮雲間

送友人之江東

劉商

含香仍佩玉宜入鏡中行盡室隨乘興扁舟不計程
渡江霖雨霽對月夜潮生莫慮當炎暑稽山水木清

送裴饒歸會稽

羅隱

金庭路指剡川隈珍重良朋自此來兩鬢不堪悲歲
月一卮猶得話塵埃家通曩分心空在世逼橫流眼
未開笑殺山陰雪中客等閑乘興又須迴

遙和元九送王行周遊越

李紳

江潮隨月盈還縮沙渚依潮斷更連伍相廟中多白
浪越王臺畔少晴煙低頭綠草羞枚乘刺眼紅花哭
杜鵑莫倚西施舊苔石由來破國是神仙

送友人尋越中山水

李白

聞道稽山去偏宜謝客才千巖泉灑落萬壑樹縈迴
東海橫秦望西陵拱越臺湖清霜鏡曉濤白雪山來
八月枚乘筆三吳張翰盃此中多逸興早晚向天台

送朱山人歸山陰別業

劉長卿

越中初罷戰江上送歸橈南渡無來客西陵自落潮
空城垂故柳舊業廢春苗閭里相逢少鸞花共寂寥

送張司馬罷使適越

時危身赴敵事往任浮沈末路三江去當時百戰心
春風吳苑綠古木剡山深千里滄波上孤舟不可尋
送李校書適越謁杜中丞

江風處處盡旦暮水空波搖落行人去雲山向越多
陳蕃懸榻待謝客枉帆過相見耶溪路透迤入薜蘿
送荀八過山陰兼寄剡中諸官

訪舊山陰縣扁舟到海涯故林嗟滿歲春草憶佳期
晚景千峰亂晴江一鳥遲桂香畱客處楓暗泊舟時
舊石曹娥篆空山夏禹祠剡谿多隱吏君去道相思

送嚴維尉諸暨

愛爾文章遠還家印綬榮退公兼色養臨下帶鄉情
喬木映官舍春山宜縣城應憐釣臺石閑卻爲浮名
送崔處士先適越

山陰好雲物此去又春風越鳥聞花裏曹娥想鏡中
小江湖易滿萬井水皆通徒羨扁舟客微官事不同
送宣武從事越中按獄 陸龜蒙

曉看呈使範知欲敕星軺水國難驅傳山城便倚橈
秉籌先獨立持法稱高標旌旆臨危堞金絲發麗譙
別愁當翠巘窈窕望隔風潮木落孤帆迴江寒壘鼓颿

客鴻吳島盡殘雪剡汀銷坐想休秦獄春應到柳條
卻渡西陵別越中父老

李紳

海潮晚上江風急津吏篙師語默齊傾首奉觴看故
老擁流爭拜見孩提慚非杜母臨襄峴自鄙朱公別
會稽漸舉雲帆煙水闊杳然鳧雁各東西

南徐送上侍御之越

皇甫冉

時鳥催春色離人惜歲華遠山隨擁傳芳草引還家
北固潮當闊西陵路漸賒縱令寒食過猶有鏡中花
送薛判官之越

時難自多務官小亦求賢道路無辭遠雲山併在前

樟亭待潮處已見越人煙

越中送新安張少府歸秦中

孟浩然

試登秦望望秦川遙憶青門春可憐仲月送君從此
去瓜時須及邵平田

送韋繇校書赴浙東幕

朱慶餘

丞相辟書新秋關獨去人官離芸閣早名占甲科頻
水驛迎船火山城候騎塵湖邊寄家久到日倍榮親

送周元範赴越

賈島

原下相逢便別離蟬鳴關路使迴時過淮漸有懸帆
興到越應將墜葉期城上秋山生菊早驛西寒渡落

潮遲已曾幾徧隨旌旆去謁荒郊大禹祠

送朱可久歸越中

石頭城下泊北固暝鐘初汀鷺潮衝起舟牕月過虛
吳山侵越衆隋柳入唐疎自欲躬調膳辟來何府書

送人適越

高城滿夕陽何事欲沾裳遷客蓬蒿暮遊人道路長
晴湖勝鏡碧寒柳似金黃若有相思夢殷勤載八行

送朱兵曹迴越

星彩練中見澄江豈有泥潮生垂釣罷楚盡去檣西
磧鳥辭沙至山颺隔水啼會稽半侵海濤白禹祠溪

送陸侍御入湖山

陳羽

鶴唳天邊秋水空荻花蘆葉起西風今夜渡江何處
宿會稽山在月明中

送餘姚知縣張太博

王隨

才名登仕路芝綽奉龍光出宰神仙邑吟辭鷓鴣行
煙波迎去棹圖籍富行裝淮月蒹葭影江風橘柚香
新詩畱禹穴舊理過錢塘市井魚鹽聚亭臺水石涼
雲山接秦望花木勝河陽暫布惠和政卽看鵬翼翔

送謝纘知餘姚

歐陽修

滁南幽谷抱山斜我鑿清泉子種花故事畱傳遺老

說世人今作畫圖誇金閨引籍子方壯白髮盈簪我
可嗟試問絃歌爲縣政何如樽俎樂無涯

其二

喜聞嘉譽藹淮壩又送吳帆解畫船壠畝遺民談舊
政江山餘思入新篇憂傷白髮吾今爾仕宦青雲子
勉旃舉棹南風吹酒醒離腸莫惜更畱連

會稽掇英總集卷十

大清道光元年歲次辛巳山陰杜氏澣花宗塾刊

塾生 校字

會稽掇英總集卷十一

山陰杜丙杰吉甫校

宋 孔 延 之 編

送別律詩

送妙明規長老

王 隨

振衣辭帝里歸路指禪林勝地江山寺澄明水月心
卸帆煙浦近鳴磬夜船深到喜清涼境門開松桂陰

送高學士知越

薛 映

晉朝名理漢循良胡粉宮闈紫界牆得請仍辭史官
筆憶歸重換會稽章閒尋嶽寺茶香細盛會江樓鱸
縷長官是秋曹俱老大異時同約棹滄浪

前題

錢惟演

粉署為郎鬢雪侵酒酣風駛惜分襟雲迷水館春旗
潤樹繞山城暝角深下擔桂鈎傳密意渡江桃葉聽
遺音孤鶯啼罷芳心歇倦翼因君憶故林

前題

楊億

萬壑千巖古剎中錦旌朱轂此臨戎酒厨歲取公田
秣樵舸朝分射的風閣吏蒸青藏史牘席賓簪玳奉
談叢海邦訟息多幽賞禹穴奇書為一空

前題

張士遜

著撰煩鴻筆均勞利建侯僧隨天際棹郡冠浙東州

山影四明接溪聲萬壑流

顧長康云萬壑爭流

謝家風月在公

外稱冥搜

前題

劉筠

浩蕩辭波潤鼠鬚風流談柄藹楫欄漢臺厭臥郎官
錦禹穴思探上世書鶴蓋成陰爭出餞鴟絃促調歎
離居由來方任推名輩藻思江山助起子

前題

陳知微

會稽新命剖魚符又向蓬山鑱直廬林壑縈迴多洞
府人煙高下半樓居知音好探柯亭竹博物應探禹
穴書公暇仙舟宜案部鑑湖晴色照鄉閭

送餘姚知縣陳最寺丞

龐籍

需頭章薦重方底詔除榮人比鳴琴令官參夢馬卿
菰煙吳地景濤鷺浙江程美政應天報姚虞舊俗清

前題

鄭戩

美渥卿爲佐清談縣得才人從日邊別舟渡鑑中來
食案資鮭稟公田剩酒材秋餘一憑檻江海遍樓臺

前題

歐陽修

銅墨佩腰間中流望若仙鳴蟬汴河柳畫鷁越鄉船
下瀨逢江雁瞻氛落海鳶山川仍客思盡入隱侯篇

前題

葉清臣

舊見恩初渥新遊刃久虛官曹鵲樹下民版象耕餘
山迴人逢麋江清客厭魚送君多悵望雲外是親居

前題

謝絳

稍過山陰接甬東正當兩國畫屏中巖巔僧井通江
水門外商帆落海風盡日揮絃無一事平時推轂有
諸公此行絕勝人人羨莫恨猶懷五兩銅

其二

愧君來款關話別憩林間不待風銷暑聊因酒發顏
滄洲卽欲往清躅暫容攀居者羨行者寄聲思越山

前題

梅堯臣

原未此詩在送大理徐寺丞知諸暨
為揚儀作杜按按小高每
改列于前而福王名至得
當仍其舊而于卷下加按
語相合蓋延之古王揚日
時人多知能去以此而編王
身安保入乎抑

試邑來句越風煙復上游江湖自迎客山月亦隨舟
海貨通閭市漁歌入縣樓絃琴無外事坐見浦帆收

送李中舍罷蕭山赴闕

王禹偁

吏隱江東五六年歸時猶戀好山川野僧送別攜詩
句瘦馬臨岐當酒錢吳苑醉逢梅弄雪隋隄吟見柳
垂煙自言更共秋濤約未捨西興一釣船

送大理徐寺丞知諸暨

楊億

子山辭賦動南朝近佐名卿掌玉條治邑還持麈尾
柄攜家便泛木蘭橈謝塘春晝偏多思潘鬢秋風苦
未凋種秫公田供酪酏彈琴官舍助逍遙去程千里

隨賓雁宿館三更聽落潮聞道臨安有仙穴莫拋印
綬探芝苗

送僧歸越

舊房稽嶺鎖春苔猿鳥歡迎振錫迴花雨六時飄講
席樵風十里送浮杯一乘了義劄心學三藏真文盥
手開跡似孤雲本無滯飄飄新到帝鄉來

送張待制知越

胡宿

長安廢吏馭花驄竹使遙分浙水東遠勢蚤推賢相
子太傅三當國柄任誠真有古人風稽山一鎮居封
內四鎮之山阿閣三休聳禁中長樂鐘聲偏怨別何

時同謁建章宮

前題

李昭述

巖助厥承明東南抗使旌箕裘漢相子屏翰越王城
勝槩須畱賞僊舟莫計程湖光八百里風月有餘清

前題

梅堯臣

滄海東邊會稽郡朱輪遠下相臣家已同雲漢星辰
轉不與鑑湖風月賒越箭抽萌供美茹秦山堆翠照
高牙買臣巖助前時貴破盜論功未足誇

送張行之

蘇舜欽

五雲寺下石橋邊六月谿風灑面寒今正炎天君獨

往松閒尋我舊題看

送則師歸越

石延年

歸里圓心復苦形生涯櫻笠伴銅餅魚隨洗鉢衝遺
粒龍倚移舟識諷經佛廟香遊湖樹暗神濤晴渡越
峰青高才不獨江山助王謝風流舊有靈

送鄭十學士通理越州

宸命陪分竹仙資貴珥彤入辭中殿闕出貳左廉雄

過楚前封近

前在池州簽判

還吳舊業空江山復清思蓴鱸

起高風海闊悲秦望陵荒歎禹功樓澄鑑湖北城險
雪濤東稽壑飛泉石台基下桂叢風流好吟醉王謝

有餘宮

送刁景純知越

梅堯臣

前有朱公子後經王右軍至今風俗美自昔誦歌聞
秦望臨丹戟耶谿漱白雲只應絲管去驚動野鷗羣

別耶谿諸叔

趙湘

又散耶谿會斜陽在古原出門逢落葉去路有啼猿
短髮不堪照新詩欲忘論如何為遠別風雪宿孤邨

送會稽何從事

王拱辰

行行岐路出塵間從事猶勝執戟閒景象徧經江左
地封疆全得浙中山侯藩暫列談賓位綸閣看隨墨

客班到郡莫為經歲計詔書非久急徵還

送裴司門倅越

宋敏求

剡中新佐郡去路觸炎威民富杼機利地含山水暉
樵風送舟統梅雨潤朝衣政在宜謠俗當期奏課歸

古詩

送孔巢父謝病歸江東兼呈李白

杜甫

巢父掉頭不肯住東將入海隨煙霧詩卷長畱天地

閒釣竿欲拂珊瑚樹

一云三珠樹

深山大澤龍蛇遠春寒

野陰風景暮蓬萊織女迴雲車指點虛無是征路自

是君身有仙骨世人那得知其故惜君只欲苦死留
富貴何如草頭露一云我欲苦留君富貴何如草頭易晞露蔡侯靜者意

有餘清夜置酒臨前除罷琴惆悵月照席幾歲寄我

空中書南尋禹穴見李白道甫問信今何如一云深山大澤

龍蛇遠華繁草青風景暮仙人玉女迴雲車指點虛無引歸路若逢李白騎鯨魚道甫問信今何如

送從弟邕落第後東遊會稽 孟浩然

疾風吹輕帆倏爾向空沒千里去俄頃三江坐超忽
向來共歡娛日夕成楚越落羽更紛飛誰能不驚骨

適越畱別譙縣張主簿申屠少府

朝乘汴河流夕次譙縣界幸因西風吹得與故人會

君學梅福隱予隨伯陽邁別後能相思浮雲去吳會

別青陽上人遊越

孟郊

秋風吹白髮微宦日蕭索江僧何用歎谿縣饒寂寞
楚思物皆清越山勝非薄時看鏡中月獨向衣上落
多謝入冥鴻笑予在籠鶴

送陸侍御還越

韋應物

居藩久不樂遇子聊一欣英聲頗籍甚交辟迺時珍
繡衣過舊里驄馬輝四鄰敬恭尊郡守賤簡具州民
謬忝誠所媿思懷方見申置榻宿清夜加籩醢良辰
遵塗還盛府行舫遶長津越有賢方伯得此文翰賓

送紀秀才遊越

李白

海水不滿眼，觀濤難稱心。卽知蓬萊石，卻是巨鼇簪。
送爾遊華頂，令余發會吟。仙人居射的，道士住山陰。
禹穴尋溪入，雲門隔嶺深。綠蘿秋月夜，相憶在鳴琴。

送友人遊越

楚臣傷江楓，謝客捨海月。懷沙去瀟湘，挂席泛溟渤。
蹇予訪前跡，獨往造窮髮。古人不可攀，去若浮雲沒。
願言弄倒景，從此鍊真骨。華頂窺絕冥，蓬壺望超忽。
不知青春度，但怪綠芳歇。空持釣鼈心，從此謝魏闕。
送祝八之江東賦得浣紗石

西施越谿女，明豔光雲海。未入吳王宮，殿時浣紗古。
石今猶在桃李新，開映古查菖蒲猶短。未平沙昔時
紅粉照流水，今日青苔覆落花。君去西秦適東越，碧
山青江幾超忽。若到天涯思故人，浣紗石上窺明月。

送謝景初宰餘姚

范仲淹

世德踐科甲

先賓客先紫微俱登科甲廷評今又繼之

青紫信可拾故鄉

特榮耀高門，復樹立餘姚。二山下東南，最名邑煙水。
萬人家熙熙，自翔集。又得賢大夫，坐堂恩信敷。春風
爲君來，綠波滿平湖。乘興訪隱淪，今逢賀老無。文藻
凌雲處，定喜江山助。未能同僊舟，離樽少畱駐。行行

道不孤明月相隨去

送陳和叔越州從事

梅堯臣

母夫人老母兄黜夫人從爾之會稽恐傷爾心不敢
泣春岡細雨聞竹雞時亦藏淚未出臉奈何相與頭
項低誠知就祿非獲已應欲退耕無舊畦

臧子文剡縣主簿

剡溪無淺深歷歷能見底潛鱗莫苦窺塵紱聊堪洗
古木潭上陰遺祠巖下啓應識道傍碑因風奠醪醴
余令之會稽新昌

越舸將渡西陵時臘雪欲作陰雲垂古岸潮迴夜冰

閣冰上鯉魚紅尾鬢知君奉親聊自得窮冬涉險仍
熙熙縣民但可觀此意休羨江邊孝女碑

送張尊師監龍瑞宮

齊唐

陽明洞天三月春桃花豔豔迎笑人仙官瑤裾翠羽
裙直上非煙驂紫麟手把赤書祕玉文朝謁太素三
元君琳房窈窕出青雲衆眞嘯語林際聞山精木魅
知有主斂戢鬼火摧颺輪崇巖絕壑足清放抗跡萬
里無埃塵物不疵癘年穀熟綽約曾潛姑射神祈師
努力學此道下濟澤國窮鰥民

會稽掇英總集卷十一

大清道光元年歲次辛巳山陰杜氏浣花宗塾刊

塾生 淮 校字

